


# बच्चा के काणे बाइबल परस्तुति

## पहलो जी उठबा नो दन (पहलो ईस्टर)



लिखबा हालो: Edward Hughes  
व्याख्या करबा हालो: Janie Forest

अनुवाद करबा हालो: Bro. Warrington E. Lal  
रूपान्तर करबा हालो: Lyn Doerksen



60 कहानियां म सूं 54  
[www.M1914.org](http://www.M1914.org)

Bible for Children, PO Box 3, Winnipeg, MB R3C 2G1 Canada  
लाइसेंस - थे या कहानियां की फोटू कापी अर छापाई को काम करवा  
सको छे पण यक भारत छे कि इके ताई बेचेगा कोइने ।

हाडोती

Hadoti

एक लुगाई भीड भडाका हाला पहाडी  
इलाका मे उबी छी उकी आखियां  
दरद भरियो दरद देख  
सी छी उको बेदो उकी  
आखियां के सामे  
मर रियो छे वा  
मरियम छी वा उ  
ठिकाना पे उबी थी  
जती यीक्षु के ताई  
सूली पे मारबा के  
कारणे कीलां सूं  
ठोकरिया छ ।




यो कस्या होयो ? यीक्षु जे  
चोखो नीवण नी रियो छे  
अतरा कसटा सूं कस्या उकी  
नीवण नेवडी खतम करी ?  
परमात्मा ने कस्या  
उके ताई सूली पे  
मरबा के काणे  
छोड दियो ?  
काई यीक्षु न कधी  
कोई स्वामी रखाणी ? कांई  
परमात्मा सूं कोई गलती  
हुयी छै ।



न परमात्मा सूं कधी भी कोई गलती न हुयी । अर यीक्षु न भी कधी कोई गलती कोनी करी । पण यीक्षु या बात जाणे छे ख म्हारे ताई दुष्ट मनख मारेगो । जद यीक्षु छोटो अर नानो सो छे वठी एक बुढा ढेकरा न जिको नाम शमौन छे उकी माई सूं खी छी ख बुरा दन आवेगा ।


3




यीक्षु का मरबा से थोडा दना पहेली येक लुगाई यीक्षु कने आई अर उने उंका पगा पे अतर ढोलरर मलबा लागी । यीक्षु का चेला न शकायत कर खी ख इने घणा पीसा को नाक्ष कर दियो छे । यीक्षु न वांसू खी क इने घणो आच्छो काम करियो छे इने अस्या म्हने म्हारी कबर मे जाबा के कारणे करियो छे । या कतरी गजब की बात छे ।

4

इके पाछे यहूदो, जे यीक्षु का बारह चेला चाटिया न में सूं एक छौ । उने मंदिर का बडा पुजारी सूं 30 चांदी का टुकडा यीक्षु के ताई पकडबा की बेई ले लिया ।




5




यहूदिया न क फसह का त्योहार पै यीक्षु न आपणा चेलां के साथ मलरर एक रसोई तैयार कर खाई अर वांका लारा बैठर परमात्मा के बारा मे अचरन सूं भरी बाता खी । उने बतायो के परमात्मा वाने प्यार करे छे ।

6



फेर यीक्षु ने वाके के ताई खाबा के काणे यक रोटी अर पिबा के काणे येक बाटकी अंगूरा को रस दियो । उने वासू या भी खी क या रोटी म्हारा डील क समान छे और यो अंगूरानो रस म्हारा खून जैस्यो छे जै पापिया का गुनाह माफ करबा कारण छे तह म्हारी याद म अस्या ही करबा करे ।

7



फेर यीक्षु न आपणा भाइला सूं खी क उ म्हारे लेरा बसवास घात करी सके छे । और थे भाग सको छे । पतरस ने खी क म्हु कधी भी न भागूगो । यीक्षु न उसे खी क भाया आज क दन तडके कूकडा के बोलबा की पहेली थू तीन बखत म्हारो अन्कार करेगो ।


8



उ रात के पाछे यीक्षु गैतसमनी का बाग मे प्रार्थना करबा ग्यो अर उकां चेला चपाटी भी उके लारा लारा छा पण वह वठी नारर नद्रा में सोग्या । यीक्षु न प्रार्थना करर परमात्मा सू खी क हे परमात्मा यो प्यालो म्हारे गोडे सूं दूर खंदाओ, पण फेर भी म्हारी मरजी न चाले पण थारी ने मरजी हो वा पूरी होबा दे ।

9

उई बगत लोगा न भीड यीक्षु न पकडबा वठी आयी जिको अगुवो यहूदो छे । यीक्षु कतई वाके आडे न आयो पण पतरस न एक मन्त्र को काब तरवार सूं काट नाक्यो । यीक्षु न हाथा हाथ उके काब लेर पाछे जोड दियो । यीक्षु जाणे छे के उके ताई गिरफ्तार करबो परमात्मा की आडी सूं छे ।



10

यीक्षु के ताई मन्दर के बडा पुजारी के घर लेसर आया । वठी यहूदियान का नेताओ खी क यीक्षु के ताई मार देबो चाहिने । वठी गोडे ही पतरस आग तापबा उबो छे अर उबो उबो या सैदी बाता देख रियो छे ।



11

तीन बगत लोगां न पतरस के ताई घेरर खी क भाया तू भी यीक्षु के लारा छे पण पतरस तीनो बखत नट गियो जस्या यीक्षु न उके ताई पहेलिया खी छी । अरे पतरस के ताई भी लोगां न गालियां और सराप दिया ।




12

## कूकडा की बांग

उई टेम कूकडा न बांग दी या बांग पतरस के काणे परमात्मा को बचन की तरहा सू छे । यीक्षु का बचना न याद करर पतरस बारा पाड पाड रोबा लाग्यो ।




13



यहूदो भी घणो दुखी छे वूं जाणे छे क यीक्षु न कधी भी कोई पाप अर जुर्म न करयो । यहूदो 30 चांटी का टुकडा लेसर पाछे बडा पुजारी के ताई देबा गियो पण उ पुजारी ने पाछा कोइने लिया ।

14




उ पुजारी न यीक्षु के ताई पलातुस  
ने रोमन हाकम छो उनके सामे ले नार  
उबो कर दियो । पिलातुस न खी मूं  
इमे काई भी गलती न खाडूं, पण वठी  
लोगानी भीड बल्लाबा  
लाग्यी इने सूली प  
चढाओ, सूली प  
चढाओ ।


15

16

यहूदो वठी सू ग्यो  
अर पीसा नीचे की  
आडी फांकर उने  
गला मे फांसी को  
फांदो लगा लियो ।




अखिरकार पलातुस न सजा सुणा दी क यीक्षु  
के ताई सूली प लटका दियो जावे । पुलिस  
वाला ने उके घूसा मारिया उके मूडां प  
थुंकियो उकी पीठ प कोडा बरसाया । वाने  
लांबा लाबां कांटा को ताज बगारर उका माथा  
म पहरायो दियो । फेर वाने उके ताई मारबा  
खातर सूली प चढारर कीला सू ठोक दियो ।



यीक्षु के ताई पतो छो क उको मरबो अस्यान ही होवेगो । उ या  
भी जाणे छो क उकी या मौत पापी मनस्वियां का पापा की छमा  
अर ने उके उपरे बसवास राखे छे वाके खातर छै । यीक्षु की दोई  
आडी दो चोटान के ताई भी फांसी प  
लटका राखिया छ । वाने सू एक  
चोटो यीक्षु पर बसवास कर  
स्वर्गलोक में चली ग्यो पण  
दुसरो कोनी जा सक्यो ।

17

18



घणा टेम ताई कष्ट पाबा के पाछे  
यीक्षु न खी "पूरो होग्यो" अर या  
कहता ही उका प्राण पखेरु उड  
ग्या । उको काम पूरो हो गियो  
छे । उका भाईलान ने  
उके ताई लेजार आपणी  
खुद की कबर में  
गाड दियो ।




रोमन सिपाहियां न उ कबर  
पे आपणी मोहर ठोक दी  
अर वठी बैठर उ कबर की  
रुखाली करबा लाग्या ।  
वठी कोई भी मनख  
बाहर भीतर आवो  
जावो न करी  
सके छे ।

19


20

पण या कहाणी अठे ही खतम हो  
जाती तो कतरा दुखारी बात छी ।  
पण परमात्मा ने वठे एक  
अचरज को काम करियो ।  
यीक्षु मर्या में न  
रह सक्यो ।




21

सात दना के पहला दन भाग फाटिया  
यीक्षु का चेला न देख्यो क ने  
बडो भाटो कबर का मुडां पे  
मेल राखियो छो अठी वठी  
लुडकियो ग्यो छो । फेर  
वाने मयी नारर झाक्यो  
तो वठी यीक्षु  
कोइने छो ।




22

एक लुगाई ने वठी उबी छी अर कबर के  
गोडे रो री छी उने यीक्षु दरवाई दियो  
या देखर वा खुशी के मारे वठी सूं  
भागी अर नारर दुसरा चेला के  
ताई कहबा लागी की यीक्षु जिन्दो  
हो ग्यो छै यीक्षु मर्यान म सूं  
पाछो आग्यो ।



23

फटाफट यीक्षु आपणा चेलान क गोडे पुग्या अर आपणी  
हथेली के बीचा मे ने कीलां ठोकबा का घाव छा वाने  
बाताया । या बात सांची छे यीक्षु पाछो जीवतो होग्यो छो  
। उने पतरस के ताई छमा करियो अर अस्या ही दुसरा  
चेला के ताई भी सिखायो के थां भी अस्या ही एक  
दुसरा ने छमा करनो । फेर यीक्षु सरग में चल्यो ग्यो  
जठी सूं वूं पहली बगत बडा दन के दन आयो छो ।



24

पहलो नी उठबा नो दन (पहलो ईस्टर)

बाइबल सूं परमात्मा की वाणी में कहाणी

मे पायो गियो

मत्ती 26-28, लूका 22-24,

यूहन्ना 13-21

“जे आपणा जीवन में उजालो करे छे ।”

भजन 119:130

परमात्मा जाणे छे के आपण ने घणा दुष्टता रा  
काम करिया छै जिणे वूं पाप माने छै अर पापा री सजा मौत छै ।

परमात्मा आपण सूं अतरो परेम करे छै क उने आपणो लाडलो बेटो  
सलीब उपरे मरबा के तई दे दियो ताकि म्हारा अर तमारा पापा के कारण  
आपणी जान री बली देई सके । परभूं यीक्षु मर र पाछो जीवतो हो  
ग्यो अर सरग में जाई न बैठ ग्यो ताकि परमात्मा म्हारा अर  
तमारा पापांन क्षमा करी सके ।

अगर थां थाका पापांन सूं पछतावो करवा चाहो तो उसूं आ प्रार्थना करो :  
परेमी परमात्मा म्हारे ताई बसवास छे ख यीक्षु परभूं न म्हारे पापांन क  
काणे आपणो बलिदान दियो छै अर मरी न पाछो जीवतो हाईग्यो । हे  
परमात्मा थे म्हारी जिनदगी में आवो और म्हारा पापा न माफ करो ताकि  
म्हूं एक नवो जीवन जी सकूं अर हमेसा हमेसा थांके लारा रह सकूं ।  
परमात्मा म्हारी मदद करो ताकि मूं थारा बेटा के रूप में थारे  
कारण जी सकूं । आमीन यूहन्ना 3:16

बाइबल पढो अर रोजाना परमात्मा सूं बातां करो